



JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIAL

Sumariu apresentasaun lansamentu relatóriu JSMP-Fokupers konabá *“Infrenta dezafiu violénsia doméstika iha Timór Léste; lei foun bele lori rezultadu?”*

Apresenta husi: Luis de Oliveira Sampaio
Diretor JSMP
20 Jullu 2011-Salaun Delta Nova-Comoro

Relatóriu ne'e, interpreta no halo analiza kritiku ba Lei Kontra Violénsia Doméstika (Lei-KVD) ne'ebé promulga iha dia 7 Jullu 2010 ho objetivu atu fornese sujestaun konabá interpretasaun preferidu ba provisaun balun, no identifika nia possibilidade implikasaun ba dezafiu práttiku sira husi lei ne'e. Relatóriu ne'e la diskuti komprehensivu kada artigu iha Lei Kontra Violénsia Doméstika, maibé hare liu ba provizaun xavi sira, terminolojia ne'ebé la klaru no possibilidade iha implikasaun ba interpretasaun espesifiku no relasaun entre Lei Kontra Violénsia Doméstika no kuadru lei kriminal ne'ebé eziste ona.

Primeiru, relatóriu ne'e eluzia definisaun nakloke-luan konabá conseitu âmbito familia no violénsia iha Lei-KVD no pártikularmente inkluizaun violénsia seksuál, psikolojiku no ekonomia hanesan forma sira husi violénsia doméstika nian. Prinsipiu husi lei ne'e fornese valores fundamental sira; JSMP no Fokupers fiar katak prinsipiu igualidade no konsentimentu nu'udár kestaun sentral, maibe sei vítima dada-fali nia konsentimentu/ijin ba intervensaun persiza atu konsidera ho kuidadu. Interpretasaun konabá violénsia doméstika ne'ebé ligadu ho nesesidade labarik nian persiza konsistente ho obrigasaun Timór Léste nian iha Konvensaun konabá Direitu Labarik.

Segundu, relatóriu ne'e deskuti aspetu sira konabá mekanismu apoiu; hari rede sosial, emerjensia, hospital, polisia no provizaun konabá assistensia legál hanesan kuadru ida ne'ebé komprehensivu. Relatóriu ne'e nota importansia konabá mantein konfidensialidade, padraun profisionál, no nesesidade atu dezemvolve matadalan ba servisu forneseadores sira atu aseguara katak direitu vítima nian la hetan dezafiu husi obrigasaun forneseadore sira.

Terseriu, relatóriu ne'e identifika risku konabá konfliktu-de-interese kuandu limitasaun numeru Defensória Públiku ne'ebé fornese assistensia legál ba vítima violénsia doméstika. Nesesidade urjente ba kuadru Assistensia Legál komprehensivu subliña hanesan aspetu importante atu aseguara servisu assistensia legál ida ne'ebé ho profisionál kaer metin ba prinsipiu konduta servisu profisionál nian. Relatóriu ne'e mós, preokupa konabá representasaun legál husi advogadu privadu sira ne'ebé dalaruma sei hetan dezafiu atu asesu ba prosedimentu no akompañia sira nia kliente durante prosesu tanbá sei kontinua hetan impedimentu husi tribunál. Tanbá ne'e relatóriu

ne'e, ejeji no re-subliña konabá nesiedade rekoñesementu universál konabá direitu atu hetan representasaun legál iha nivel prosesual hot-hotu.

Kuartu, relatóriu ne'e foka konabá relasaun entre Lei Kontra Violénsia Doméstika no kadru juridiku penál. Tuir relatóriu ne'e, rekomenda definisaun Lei Kontra Violénsia Doméstika mak preferidu liu atu adopta duke definisaun sira ne'ebé existe antes tiha ona iha Kódigu Penál, nomós sei posivel tenki decide atu halo alegasaun ba kazu krime violénsia hot-hotu atu refleta gravidade/*keseriusan* husi krime violénsia doméstika ne'e. JSMP mós hanoin katak medida koasaun sira mós rekomenda atu utiliza no tenki uza ho extensivamente no kreativu liu husi tribunál. Relatóriu ne'e mós preokupa konabá pena selu multa hanesan pena ne'ebé jeralmente ladun apropriadu, tanbá natureza gravidade husi esperiensa violénsia doméstika ne'e rasik no hamenus sentidu violénsia doméstika hanesan krime públiku ida kadru kriminal Timór Lésteanian.

Sinco, problema ne'ebé kauza husi retira/dada-fali vítima nia konsentimentu no situasaun ne'e bele prejudika susesu husi prosesu kriminal. Artigu 125 Kódigu Prosesu Penál mós sei sai dezafiu bo'ot ba susesu implementasaun Lei Kontra Violénsia Doméstika kuandu membru familia sira decide atu la fo evidensia iha tribunál, arguidu ba kazu violénsia doméstika sira sei kontinua goja impunidade ba krime ne'ebé sira komete.

Ikus liu husi relatóriu ne'e konklui ho fornese sujestaun no rekomendasaun jerál ba prosesu alegasaun ba parseriu ka stakeholders sira atu halo. Husi aspeitu no kontestu hot-hotu Lei Kontra Violénsia Doméstika rekoñese hanesan instrumentu ka medida importante ida atu elimina violénsia iha kontestu familia, mesmu nune'e sei eziste nafatin kestaun logistiku sira ne'ebé kompleksu.

Atu hetan informasaun kle'an favor kontaktu:

Luis de Oliveira Sampaio
Diretór Ezekutivu JSMP
Diresaun e-mail: luis@jsmp.minihub.org
Landline: 3323883